



Fagleg kontakt under eksamen:
Lester Solbakken (73594465)

EKSAMEN I LOGIKK OG RESONNERANDE SYSTEM (TDT4136)

Torsdag 1. desember 2011
Tid: 09:00 – 13:00

Språkform: Nynorsk
Tillatte hjelpemiddel: D
Inga trykte eller handskrivne hjelpemiddel tillatt.
Bestemt, enkel kalkulator tillatt.

Sensurfrist 22. desember 2011

Les oppgåveteksten nøye. Finn ut kva det vert spurd om i kvar oppgåve.

Om du meiner at opplysningar manglar i ei oppgåveformulering, gjer kort reie for kva føresetnader du finn det naudsynt å setje.

Oppg ve 1 (25%)

Verda v r best r av fuglar. Det er mange slags fugl. Nokre fuglar er sj fugl, andre er landfugl. Alle fugler har vingar og dei kan fly. Sj fugl er fisk. Bob er ein sj fugl. Det er to slags landfugl:  rn og sporv. Sam er ein  rn.

- a) Formuler kunnskapsbasen over i f rste-ordens predikatlogikk.

Etter at ornitologane har unders kt Bob n rmare syner det seg at han er ein pingvin. Pingvinar er sj fugl, men kan ikkje fly.

- b) Kva gjer denne nye informasjonen med kunnskapsbasen v r? Vis ved   konvertere dei naudsynte setningane til klausalform og utf r eit resolusjonsbevis.
- c) Lag ein modell av kunnskapsbasen i a) som eit semantisk nett. Bruk det semantiske nettet til   vise om Sam kan fly.
- d) Kva skjer med det semantiske nettet n r vi introduserer den nye informasjonen i b)? Modifiser det semantiske nettet ditt og forklar. Sammenlikn med ditt svar i b).

Oppg ve 2 (15%)

I bondesjakk konkurrerer to spelarar om   f  tre av sine symbol, anten X eller O, p  rad - anten horisontalt, vertikalt eller diagonalt. Den f rste spelaren som n r dette har vunne.

| | | |
|---|---|---|
| O | O | X |
| | X | |
| O | X | |


Figur 1: Bondesjakk

- a) Forklar prinsippa for   analysere speltre ved hjelp av Minimax-analyse.
- b) Lag eit speltre med utgangspunkt i figur 1 ned til spelet si avslutning og analyser ved hjelp av Minimax. Det er X sin tur   spele. Gjeve at motstandaren spelar optimalt, er det h ve for X   vinne her?

- c) Forklar kort prinsippa bak Alfa-Beta-beskjæring av speltre, og marker tydelig i speltreet ovanfor, kva greinar som ville unngått å verte ekspandert.

Oppgåve 3 (20%)

Ved eit eventuelt oljeutslepp i havet er det viktig at responsfartøy kjem seg raskt til åstaden for å minske omfanget av utsleppet. Gjeve situasjonen som i figur 2 er vår oppgåve å finne kortaste rute. For denne oppgåva deler vi området opp i eit rutenett som representerer moglege posisjonar. I tillegg set vi føre at responsfartøyet berre kan bevege seg i kardinalretningane, dvs nord, øst, sør og vest.



Figur 2: Oljeutslepp. Responsfartøyet må kome seg raskast mogleg frå noverande posisjon (stjerne) til utsleppet (sirkel) ved å finne ei rute forbi landmassane (grå områder).

- Skildre korleis ein kan formulere problemet som eit heuristisk søkeproblem.
- Forklar omgrepa admissibel og konsistent (monoton) heuristikk.
- Foreslå to ulike heuristikkar for dette problemet som begge er admissible og konsistente.
- Gjer reie for omgrepet dominans, og vis korleis ein av desse heuristikkane dominerer den andre. Kva har dette å seie for søkealgoritmen sin effektivitet?

Oppgåve 4 (20%)

I Sudoku er oppgåva å fylle eit rutenett med tal slik at same tal ikkje går igjen meir enn ein gong i same rad, kolonne og boks. I denne oppgåva ser vi på ein enkel variant med fire ulike tal.

| | 1 | 2 | 3 | 4 |
|---|---|---|---|---|
| A | | | | |
| B | 3 | | | 2 |
| C | | | | 1 |
| D | 4 | | | |

Figur 3: I Sudoku kan tala berre gå att ein gong i same rad, kolonne og 2x2 boks.

- Skildre kort og i generelle termar kva eit Constraint Satisfaction Problem (CSP) er.
- Formuler eit 4x4 Sudoku problem som eit CSP og teikn ein avgrensingsgraf (constraint graph). Nytt rektanglar for å markere avgrensningar over fleire element.
- Skildre kort kva “backtracking search” med “forward checking” går ut på. Illustrer ved hjelp av ein figur dei 2 første skritt i metoden. Nytt situasjonen i figur 3 som initialtilstand.
- Skildre kort kva omgrepet kantkonsistens (arc-consistency) tyder. Med same utgangspunkt som i førre oppgåve, kva effekt for søkearbeidet vil det ha om vi syter for at CSPen er kantkonsistent før vi tek til? Kva er kostnaden for å gjere dette steget?

Oppgåve 5 (20%)

Det har etter kvart vorte vanleg å nytte robotar i større distribusjonssentralar verda over. Ein typisk aktivitet er å hente pakkar frå forskjellige stader på lageret for å fylle ulike ordrar. I denne oppgåva, lat oss setje føre at vi har ein robot med følgjande moglege handlingar:

- Gå frå noverande lokasjon x til y : $\text{Move}(x, y)$
Færehandsvilkåret $\text{At}(\text{Robot}, x)$ etablerer at roboten vår er i lokasjon x .
- Plukk opp ein boks b frå noverande lokasjon: $\text{Pickup}(b, x)$
For å utføre denne handlingen må roboten først vere i same lokasjon som boksen. I tillegg set vi føre at roboten vår berre kan bere ein boks om gongen, så vi introduserer tilstanden Empty som må vere oppfylt.
- Slipp boksen b den ber på: $\text{Drop}(b, x)$
Her må roboten vere i lokasjon x og allereie bere boks b . Tilstanden $\text{Holding}(b)$ vert introdusert for å representere at roboten ber boks b .

- a) Skildre desse handlingane i PDDL/STRIPS formalisme.

Det er viktig å omorganisere frå tid til annan for å effektivisere flyten av pakkar gjennom lageret. La oss setje føre at som eit ledd i ein større plan må roboten vår plukke opp ein pakke P_2 og plassere ein pakke P_1 på same lokasjon. Roboten ber allereie på P_1 og er på rett sted.

- b) Formuler initialtilstand og måtilstand. Teikn ein planleggingsgraf for denne delplanen ned til det nivået som er naudsynt for å oppfylle måtilstand. Marker tydelig dei tilstandane og handlingane som er gjensidig ekskluderte (mutex) på kvart nivå.

For å unngå at grafen vert for stor, sjå bort frå tilstanden $At(x, y)$.

- c) Forklar i grove trekk korleis planleggingsgrafar kan verte nytta til å trekkje ut planar direkte, og trekk ut ein plan frå denne grafen ved å markere på grafen frå førre oppgåve.